

## O'zbek - Soul Scriptures

**Matto 11:28-30** **Ey holdan toyganlar, og'ir yuk ostida qolganlar, hammalaringiz Mening oldimga kelinglar!** Men sizlarga orom beraman. 29 Mening bo'yinturug'imni taqib olinglar, Mendan o'rganinglar. Chunki Men yumshoq ko'ngil va kamtarinman. Shunda sizlarning jonlaringiz orom topadi. 30 Axir, Mening bo'yinturug'im qulay, yukim yengildir."

**Ibtido 2:7** Shundan keyin Parvardigor Egamiz yerning tuprog'idan odamni yasadi va uning burun teshigidan puflab, jon ato etdi. Shunday qilib, odam tirik jon bo'ldi.

**Ibtido 34:2,3,8** Bu yerning begi Xamo'r bo'lib, u Xiv urug'idan edi. Xamo'rning o'g'li Shakam qizni ko'rib qolib, ushladi va uning nomusiga tegdi. 3 Shakam Dinani qattiq sevib qoldi, qizning sevgisini qozonishga harakat qildi. 8 Xamo'r ularga: — O'g'llim Shakamning qizingizga ishqি tushib qolibdi, iltimos, qizingizni o'g'llimga bersangizlar, — dedi.

**Sahroda 21:4** Isroiil xalqi Xo'r tog'ini tark etib, Edom yerlarini chetlab o'tish uchun Qizil dengizga boradigan yo'ldan ketdi. Lekin xalq yo'lda ketayotib, yana sabrsizlik qildi.

**Deuteronomy - Qonunlar 4:29** Ammo u yerda Egangiz Xudoga yuz bursangiz, butun qalbingiz bilan, jonu dilingiz bilan Uni izlasangiz, topasizlar.

**Hakamlar 16:16** Dalila har kuni yalinaverib, Shimsho'nning quloq-miyasini yedi. Bundan bezor bo'lgan

**1 Shohlar 18:1** Shoul bilan Dovudning suhbatini endi tugagan ham ediki, Yo'na-tanning ko'ngli Dovudga bog'landi, Yo'natan uni o'z joni kabi aziz ko'rди.

**3 Shohlar 1:29** Shoh ont ichib Botshevaga aytdi: — Meni har qanday balolardan doimo saqlab kelgan Xudoym shohid!

**4 Shohlar 4:27** Ayol toqqa, payg'ambar yoniga yetib kelgach, uning oyoqlariga yopishib oldi. Gaxazi, ayolni chetroqqa olib qo'yay, deb yaqin kelgan edi, Elishay Gaxaziga aytdi: — Uni tinch qo'y, uning dili ozor chekkan. Egamiz esa buni mendan yashirdi, menga ma'lum qilmadi.

**Ayub 7:11** Shuning uchun jim bo'lmay, O'z dardimni bayon qilaman, Alam-hasratda shikoyat qilaman.

**Ayub 14:22** Inson faqat o'z tanasidagi og'riqni sezadi, Faqat o'zi uchun qayg'uradi."

**Ayub 19:2** "Qachongacha meni qiynaysizlar, Gaplaringiz bilan meni ezasizlar?

**Ayub 27:2** "Mengaadolat qilmay, Qalbimni yaralagan Qodir Xudo shohid!

**Ayub 30:25** Men boshiga kulfat tushganlar uchun qayg'urdim-ku! Muhtojlarni ko'rib, yuragim achidi-ku!

**Zabur 6:3,4(6:4,5)** Azob chekmoqda jonom, Qachongacha kuttirasan, ey Egam, qachongacha? 5 Kel endi, ey Egam, qutqar jonomni, Sodiq sevging haqi ozod qil meni.

- Zabur 7:1,2(2,3) Senda panoh topaman, ey Egam Xudo, Payimga tushganlardan xalos et, qutqar meni. 2(3) Yo'qsa, ular meni sherday g'ajib tashlaydi, Burda-burda qiladi, hech kim meni qutqarolmaydi.**
- Zabur 17:13(16:13) Kel, ey Egam! Ularga qarshi yuz bur, Tiz cho'ktirgin ularni! Qiliching ila fosiqlardan qutqargin meni!**
- Zabur 23:3(22:3) U menga qayta kuch baxsh etadi. O'zining nomi haqi-hurmati Meni to'g'ri yo'lga boshlaydi.**
- Zabur 25:20(24:20) Hayotimni asra, qutqargin meni, Sharmandali ahvolga solmagin meni, ZOTAN, Senda panoh topaman men.**
- Zabur 33:19(32:19) Egamiz ularni o'limdan qutqaradi, Ochlikdan saqlab, tirik qoldiradi.**
- Zabur 34:22(33:23) Egamiz O'z qullarining hayotini qutqaradi, Egamizda panoh topuvchilar mahkum bo'lmaydi.**
- Zabur 35:12,13(34:12,13) Ular yaxshilimga yomonlik qaytaradi, O'zimni tamom yolg'iz his qilaman. 13 Ular xasta bo'lganlarida esa Men qanor kiyib, ro'za tutib, qayg'u chekardim. Boshimni quyi solib, ibodat qillardim.**
- Zabur 41:4(40:5) Shunday iltijo qildim Senga: "Ey Egam, shafqat qil menga, Gunoh qildim Senga, shifo bergin."**
- Zabur 42:5,11(41:6,12) Nega tushkunlikka tushasan, ey jonim? Nega behalovat bo'lasan ichimda? Xudoga umid bog'la! Shukur etaman Yana Unga — najotkorim, Xudoyimga. Tushkunlikka tushganman. 11(12) Nega tushkunlikka tushasan, ey jonim? Nega behalovat bo'lasan ichimda? Xudoga umid bog'la! Shukur etaman Yana Unga — najotkorim, Xudoyimga. (Zabur 42:6,11(41:7,12); 43:5(42:5))**
- Zabur 56:13(55:14) Jonimni o'limdan qutqarib qolding, Oyog'imni qoqilishdan saqlading. Shu bois, ey Xudo, Sening oldingda, Hayot nurida yuraman.**
- Zabur 69:10(68:11) Faryod qilib, ro'za tutganimda, Men masxara bo'ldim.**
- Zabur 69:18(68:19) Yaqinroq kel, qutqargin meni, Dushmanlarimdan xalos qil meni.**
- Zabur 86:13(85:13) Menga bo'lgan sodiq sevging g'oyat buyukdir, O'liklar diyoridan jonimni qutqargansan.**
- Zabur 97:10(96:10) Ey Egamizni sevganlar! Yomonlikdan nafratlaning. U taqvodorlarining jonlarini O'zi asraydi, Fosiqlarning qo'llidan ularni xalos etadi.**
- Zabur 107:9(106:9) ZOTAN, U qondirar tashna bo'lganlarni, To'ydirar ne'matlar bilan ochlarni.**
- Zabur 116:4(114:4) Shunda Egamga iltijo qildim: "Ey Egam, yolvoraman, meni qutqargin!"**
- Zabur 116:8(114:8) Egam jonimni o'limdan qutqarib qoldi, Ko'zlarimni yosh to'kishdan, Oyog'imni qoqilishdan qutqardi.**
- Zabur 119:28(118:28) Jonim ado bo'ldi g'am-g'ussadan, Quvvat bergen menga va'dangga binoan.**

**Zabur 120:2(119:1/2) Qayg‘u-alamdan Egamga faryod qildim: “Ey Egam, yolg ‘onchi lablardan, Makkor tildan jonimni asragin!” U faryodimga javob berdi.**

**Zabur 121:7(120:7) Egamiz seni har qanday xatardan asraydi, Joningni Egamiz omon saqlaydi.**

**Zabur 124:7(123:7) Biz ovchining tuzog‘idan qutulgan Qushlarga o‘xshaymiz. Tuzoq sinib, biz qutuldik.**

**Zabur 138:3(137:3) Chaqirganimda, menga javob bergansan, Qudrating bilan meni jasur qilgansan.**

**Sulaymonning Hikmatlari 6:32 Zino qilgan aqlsizdir, o‘zini o‘zi nobud qiladi.**

**Sulaymonning Hikmatlari 22:25 Bo‘lmasa sen ham ularning yo‘liga tushib qolasan, joningni tuzoqqa ilintirasan.**

**Yeremiyo - Eremiyo 20:13 Egamizga qo‘shiq kuylanglar! Egamizga hamdu sanolar aytinglar! Zero, U bechora bandaning jonini Badkirdorlar qo‘lidan qutqardi.**

**Yeremiyo - Eremiyo 31:25 Men chanqaganlarning chanqog‘ini qondiraman, toliqqan jonga orom beraman.**

**Hizqiyol 13:20,21 Shuning uchun Egamiz Rabbiy aytmoqda: “Sizlar tumorlaringiz bilan odamlarning jonlarini ovlayapsizlar. Men o‘sha tumorlaringizga qarshiman. Men ularni qo‘llaringizdan yulib olaman, qafasdagи qushni ozod qilganday xalqimni ozod qilaman. 21 Yopinchiquingizni yirtib tashlayman, xalqimni changalingizdan xalos qilaman. Ular endi sizning qurbanlaringiz bo‘lmaydi. O‘shanda Egangiz Men ekanligimni bilib olasizlar.**

**Matto 10:28 Tanani o‘ldirib, jonni o‘ldira olmaydiganlardan qo‘rqmanglar. Xudodan qo‘rqinglar! Chunki U jonni ham, tanani ham do‘zaxda halok etishga qodir.**

**Matto 16:26 Agar inson butun dunyoni egallab olsa-yu, o‘z jonidan mahrum bo‘lsa, bundan unga nima foyda?! Inson o‘z joni evaziga qanday to‘lov bera oladi?! (Mark 8:36,37)**

**Matto 22:37 Iso unga dedi: — “Egangiz Xudoni butun qalbingiz bilan, jonu dilingiz bilan, butun ongingiz bilan seving.”**

**Matto 26:38 U shogirdlariga: — Yuragimdagи og‘ir qayg‘u Meni o‘lguday qiy nab yubordi. Shu yerda qolimgar-da, ko‘z-qulqoq bo‘lib turinglar, — dedi. (Mark 14:34)**

**Mark 12:30 Egangiz Xudoni butun qalbingiz bilan, jonu dilingiz bilan, butun ongingiz bilan, kuchingiz boricha seving.”**

**Luqo 12:20 Ammo Xudo unga shunday debdi: — Ey nodon! Shu tundayoq joning olinadi. Yig‘ib-tergan mol-mulking endi kimga qoladi?!**

**Luqo 21:19 Qat’iyatli bo‘linglar, shunda hayotga erishasiz.**

**Yohanno 12:27 Endi esa yuragim siqilib ketyapti. Nima ham der edim?! “Ey Ota, bu vaqt-soatdan Meni saqla”, deb ayta olarmidim?! Men shu vaqt-soat uchun kelganman-ku!**

**Faoliyati - Havoriyalar 14:22 Ular shogirdlarni imonda sobit qolishga undab:**

**“Biz Xudoning Shohligiga kirishimiz uchun ko‘p mashaqqatlarni boshdan kechirishimiz kerak”, deb dalda berardilar.**

**Faoliyati - Havoriyalar 15:24 Eshitishimizcha, bizning oramizdan ba’zilar borib, o‘zlarining gaplari bilan sizlarni xavotirga solibdi, yuraklaringizni g‘ash qilibdi. Ammo ularni biz yubormagan edik.**

**1 Korinfliklar 15:45 Muqaddas bitiklarda yozilgani bo‘yicha: “Birinchi odam — Odam Ato tirik jon bo‘ldi.” Oxirgi Odam Ato, ya’ni Iso Masih esa hayotbaxsh ruh bo‘ldi.**

**1 Salonikiliklar 5:23 Tinchlik manbayi bo‘lgan Xudoning O‘zi sizlarni butunlay poklasin. Rabbimiz Iso Masih kelguncha, butun ruhingiz, joningiz va tanangiz benuqson saqlansin.**

**Ibroniylar 6:19 Bu umid jonimiz uchun tebranmas, mustahkam langardaydir. Umidimiz bizni samoviy Chodirdagi pardaning orqa tarafiga, Xudoning huzuriga olib kiradi.**

**Ibroniylar 10:39 Biz esa imondan qaytib, halok bo‘ladigan odamlardan emasmiz. Biz imonimizga sodiq qolgan, najot topgan odamlarmiz.**

**Yoqubning 1:21 Shunday ekan, har qanday jirkanch va yomon ishlarni bas qilinglar! Xudoning qalbingizga ekkan kalomini kamtarlik bilan qabul qilinglar. Axir, bu kalom joningizni qutqarishga qodir.**

**Yoqubning 5:20 Esingizda bo‘lsin, gunohkorni nohaq yo‘ldan qaytargan odam o‘sha gunohkorning najot topishiga va behisob gunohlarining yuvilishiga sababchi bo‘ladi.**

**1 Butrus 1:9 Axir, imoningiz tufayli jonlaringiz najot topadi.**

**1 Butrus 1:22 Sizlar haqiqatga bo‘ysunib, gunohdan poklanganingiz uchun birodarlarga samimiyl mehr qo‘ya olasizlar. Shunday ekan, bir-biringizni chin yurakdan, ixlos bilan yaxshi ko‘ringlar.**

**1 Butrus 2:11 Ey azizlarim, sizlardan o‘tinib so‘rayman, jonga qarshi kurashadigan nafs ehtiroslaridan saqlaninglar. Axir, sizlar bu dunyoda g‘aribu musofirsizlar.**

**1 Butrus 4:19 Shunday ekan, Xudoning irodasiga ko‘ra, azob chekayotgan bo‘lsangiz, yaxshilik qilishda davom etinglar, o‘zingizni sodiq Yaratuvchiga topshiringlar.**

**2 Butrus 2:7,8 Bebos odamlarning o‘taketgan axloqsizliklaridan azob chekkan solih Lutni esa qutqardi. 8 O‘sha xalq orasida yashagan bu solih odam har kuni ularning qabih ishlarini ko‘rib eshitgani uchun ichidan ezilib qiynalar edi.**

**3 Yohanno 1:2 Aziz do‘stim, hamma ishlaringga Xudodan rivoj tilayman. Tanang ruhing singari sog‘-salomat bo‘lsin.**